

دائرة مخصوصه

در سعادته باب عالی جوارنده

محل اداره :

مشرط القيم

اخطار :

مسلك مزه موافق آثار جديده مع المنوئيه
قبول او انور

درج اينده بن آثار اعاده او انوار

ديره، فلسفه، علوم، حقوق، ادبيات و سياست و باطرافه كرك سياسى و كرك اجتماعى و مدنى احوال و مشوره اسلاميه و بحث ايد و هفته ده بر نشر از انور.

آبونه بدلى

صاحب و مؤسسى :

در سعادته نسخه سى ۵۰ پاره در

ابوالعلا زين العابدين - ح . اشرف اديب

سنه لى التى آيلنى

قبرله دن مقوا بورو ايله كوندريلىر سه سنوى
۲۰ غروش فضله آلير

تاريخ تأسيسى

۱۰ تموز ۳۲۴

ممالك عثمانيه	ايچون	۸۰	۴۰	غروش
روسيه	»	۶۵۰	۳۵۰	روبله
سائر ممالك اجنبيه	»	۱۷	۹	فرائق

اوجنچى جلد

۱۰ ذى الحجه ۳۲۷ پنجه ۱۰ كانون اول ۳۲۵

عدد : ۶۸

نتیجه سی اوله رق حصوله ککن اخلاقسنزلقلره دائر پک، هم وشایان دقت مطالعات در میان ایتمشدر در .

بوطیبلر دیورلر که :

« ۱۸۵۰ سنه سنده فرانسه ده داء الکئول علت مده شسه سی شمیدیکنه نسبه پک آز ایدی . زیرا اوتاریخده سنه ده نفوس باشنه بر بقی لیره مسکرات اصابت ایلدیکی حالده الیوم درت بقی نسبتده در . بواسطه سنستیکده شراب وجیره راقیلری داخل دکدر .

کویا اشتها ویریور بهانه سیله (آمر) (بیتر) (آبست) کبی مشروبات مضره نك استعمالی و اسفا که بر قاچ سنه دنبرو فوق الحد تزیاد ایتمشدر ! ۱۸۸۵ دن ۱۸۹۶ تاریخده قدر اون بر سنه ظرفده آبست نامنده کی مضر ایچکینک صرفی الی یدی بیک هکتولیره دن یوز سکسان ایکی بیک هکتولیره قدر آیتمشدر !!

اسپرتولی مشروباتک بو درجه لره قدر رواجنه سبب آوروپاده ارککلردن ماعدا قادینلر حتی چوچقلرک بیله مسکرات استعمالنه آلیشمش اولملریدر که انسانیت ومدنیت نامنه بوکانه قدر تأسف اولنسه ینه آذر . آوروپاده ملل مختلفه آره سنده مسکرات استعمالی کیتدکه تزیاد ایدیور آلمانلر ، آوستریالیر ، بلجیقالیر ، فلمنکیلیر ، دانمارقه لیرلر دخی فرانسزلر قدر مشروبات کئولیه استعمال ایتکده ایسه لرده فرانسزلر فضله اوله رق چوقه شرابده ایچدکلردن ملل سائرده نسبه دهها زیاده کئول صرف ایتدکاری تین ایدر . بناء علیه فرانسه ده مسکرات هر مملکتدن زیاده تخریبات اجرا ایلکده در . خصوصیه فرانسه ده یکر می سنه دنبرو مواد کئولیه نك استعمالی تزیاد ایتدیکندن (داء الکئول) دینلان علت وخیمه مذکور مملکتده فوق العاده انتشار وتوسع ایتمشدر .

عشرتک اک بیوک فناقلردن بریسیده انسانلری جنجه وجنایاته سوق ایتمشدر . فرانسه ده طوتیلان استاتستیکلره نظراً جنایاتک یوزده آلتیش شی اسپرتولی مشروبات استعمال ایدلردن وقوعه کلدیکی تبین ایتمشدر . حتی دقت ایتدشدر که فرانسه نك قننی ولایتده اسپرتو صرفیاتی زیاده ایسه اوولایتده جنایت دخی اونستیده متزاید بر حالده بولمشدر . بوندن بشقه اسپرتو استعمال ایدنلر یالکیز کندی صحتلرینی تخریب ایدرک بشقه لرینه ضرری طوقامسه نه ایسه دیلم ! حالبوکه سرخوشلر عائله لرینک سفالتی، پریشانیه فی موجب اوله رق نفوس عمومیه بشری تنقیص وبویوزدن بولندقلری مملکتی ده تخریبه سبب اولورلر . بوندن فضله اوله رق اسپرتو زیاده استعمال اولنان ممالکده تولدات تناسق ایتکله برابر وضع حمل؛ وقتندن اول وقوعه کلیر ، خصوصیه داء الکئوله مبتلا اولنارک چوچقلری صحتجه عقاجه غایت آجینه جق بر حالده اوله رق هر درلو امراض عصبیه ، بدلافه معروض بولنور . حاصل کلام مسکراتک بر مملکتده تعمیم استعمالی اومملکت ایچون الک بیوک، آدهشتلی بر فلاکتدر . لکن شایان تأسفدر که نعمت مدنیت ایله تنم ایتمش انسانلره حتی هنوز انوار مدنیته دن حصه یاب

اختراعه دکل اخذ وتقلیده مستعددر دینلیور . بو حکمک اصابتی زمان تعیین ایده جکدر .

حالبوکه بونلر ایکی نوع تفنک ایجاد ، صحرا طویلرنده تعدیلات مهمه اجرا ایتلشدر . بوکون ترسانه لرنده « قاواشی » « زاجوما » اسملرنده یکر میشر بیک طونیا تولق ایکی زرهللی انشا ایدلکده در . بونلر ۱۹۱۱ ده دونمایه الحاق ایدیه جکدر .

ژاپونیا نك قوت حاضره سی معارف خصوصده حکومتجه بذل ایدیلن مساعی سایه سنده در .

ژاپونیا مکتب خصوصیه وعمومیه سنده ژیمناستیک وفنون عسکریه تعلیمی ۱۸۸۶ سنه سندن بری مجبوریدر .

بونک تکامل مادی ومعنوی نقطه نظرندن پک چوق فائده سی کورلشدر . کنجیلر مکتبی اکال ایلدکدن صکره نشان آتمه وسائره کبی هپ عسکرلکه متعلق شیلره مشغول اولورلر . ژیمناستیک قیزلر ایچون بیله مجبوریدر . ژاپونیا ده یکر می یدی بیک مکتب ابتدائی یوز اون بیک ابتدائی معلمی بش میلیون یوز اوتوز بش بیک ابتدائی طلبه سی اولدینی کبی ایکیوز الی سکز قدر درجه ثانیه مکتبی بونلرک درت بیک یدی یوز معلمی ، طقسان بش بیک طلبه سی واردر . شوسرودات ژاپونلرک درجه قوت ومکنتلرینی ارئهیه کافیدر . ژاپونیا عسکرلکک تمثال مجسمیدر . اوراده قادینلر بیله کنیدیلرینی اردونک مالی ، ولدی الحاجه اردوده کی خستکانه خدمتی کنیدیلری ایچون مدارشرف عد ایدرلر . ژاپونلر اوپله علی العمیا هر شی الیورمزلر . حتی بوندن اول پارلمنتو اصول اعشارینک قبولی آرمه لری ایچون برذل اولدینی اعلان ایلن ایدی . ۱۸۹۰ ده نشر اولنان امرنامه ایمپراطوری ژاپونلرک مسلکینی تعیین ایتلشدر .

هرسنه دارالفنون طلبه سنه دیپلومه ویرلدیکی صروده بو امرنامه مراسم مخصوصه ایله قرائت اولنور . حضار بونی کمال ادب وخشوع ایله قائماً استماع ایلر دنیانک زه سنده اولورلر سه اولسونلر بتون ژاپونیا لیرک ژاپونیا قوانینه مطیع ، اکا تابع اولملری وجوبی امرنامه ایمپراطورینک جمله مندرجاتنددر . ایسته بونک ایچون امریقاد ، هایوای اطه لرنده یشایان ۷۶۰۰۰ ژاپونیا لیرک نظاری دائماً توکیویه معطوفدر . ژاپونیا دارالفنونلرنده اوروپا علیه بعض افکار حکمفرمادر . بو افکار اون بش سنه دنبری کیتدکه ترقی ایدیور . ژاپونلر اوروپا متودلرینی تدقیق ایتدکه بومتودلر نظرلردن دوشمشدر . معارف نظارتی خلقک افکارینی اوروپا لیرلر کبی تربیه ایتک ایسته میور .

فریب

.....

عشرت

و

مسکراتک رهبرده تأثیری

[بکن نسخه ن مابعد]

عصر اخیرک اک مشهور صحیونندن وفرانسه اطباسندن مالم (بروس) ایله دو قنور ارنولد اوروپاده مسکراتک انتشاری وبونک

اولماش افریقانک بعض محاررندہ کی اہالی بیلہ مشروبات کٹولیہی
سوء استعمالہ پک زیادہ میل و ہوس کو ستریورلر . بوحالہ قارشو اظهار
اسف ایچون کله بولمقدن عاجز .

عجبا مشروبات کٹولیہ نک ہانکی نوعی دھا مضر در ؟ بودہ پک
زیادہ مباحثہ شایاندر . آنجق راقی حالندہ ایچیلان اسپرتو شرابدن
دھا مضر بولندیقی شہہ سزدر . چونکہ راقیدہ اسپرتو کسکین
و شرابدہ کی صولی اولدیغندن راقینک تاثیریدہ اولنبتدہ مضر در .

قونیاق وامثالی کسکین اسپرتولی شیلردہ راقی کی مؤثر در .
بو افادہ مزدن شرابک فائدہ لی اولدیقی آ کلاشیلمسون ؟ کرک
شرابک ، کرک سائر مسکراتک ترکیلرندہ اسپرتو بولندیغندن
مضر جہتیلہ ہبسی مساویدر . زیرا شرابدہ دائمی استعمال اولنسہ
ولوکہ آز مقدارده ایچلسون ینہ وجودی تسمیم ایدر .

اوت ! مسکرات سمدر ! یوز غرام صویہ اون غرام اسپرتو
علاوہ اولندقدن صکرہ بر حیوانہ شریئہ اولنسہ حیوان تلف اولمز .
فقط اون غرام اسپرتویہ اوتوز غرام صو علاوہ اولنوبدہ حیوانہ
شرینغہ ایدیورسہ محقق صورتدہ تلف اولور .

یوزدہ الی نسبتندہ اسپرتوی حاوی ایکی یوز غرام قونیاق یوزدہ
اون نسبتندہ اسپرتوی حاوی بر قیہ شرابدن دھا زیادہ بر آدمی
سرخوش ایتدیکی معلومدر . حالبوکہ حساب ایدیلہ جک اولورسہ
ہر ایکی مایعدہ اسپرتونک مقداری بر در . بوندن معین مقدار
اسپرتونک قاندن سریع ویا بطی بر صورتدہ مرور ایلسی آبرو آرو
تأثیر کو ستردیکی استنباط اولنور . بونک ایچون مشروبات کٹولیہ نک
صورت استعمالنہ کورہ داء الکٹول دینلان مرض مدہش دخی حاء
ویا مزمن اولہرق حصولہ کلور . قونیاق وراقی وامثالی کسکین
مسکرات مرض مذکور کی زیادہ وقوعہ کتیر .

جلہ نک بیلدیکی رشیدر کہ مسکرات استعمالنک عقبندہ سرخوشلق
باش کو ستر . بر انسان سرخوش اولماق شرطیلہ مدت مدیدہ جزئی
مشروبات کٹولیہ استعمال ایلسہ ینہ (داء الکٹول مزمن) علتہ
دوچار اولور . حتی بویلہ آز استعمال ایدنلردہ اسپرتو ایلہ تسمیم
مزمن اعراض و آفات آشکار بر صورتدہ باش کو سترمسہ بیلہ قوای
عقلیہ و بدنیہ سندہ ضعفیت ظاہر اولور .

بوندن بشقہ اسپرتو قوللانان بر کیمسہ قوللانیمان آدمین دھا قولای
صغوق و صیجاقدن حصولہ کلن خستہ لقلرہ معروض اولور .

امراض اتانہ و ساریہ مشروبات کٹولیہ استعمال ایدن اشخاصہ
دھا سہولتہ صولت ایدر .

حیوانات اوزرندہ ایدیلن تجربہ لہ نظرآ بر حیوانہ اسپرتو
ویرلدیکی و حیوان سرخوش ایدلدیکی صورتدہ خستہلق میقروبلری
سریما تأثیر ایدیورلر . دیگر خستہ لہ نسبتہ مسکرات قوللانانلر خستہ
لقدن دھا کچ قورتیلیورلر . ہلہ اسپرتولی مشروبات قوللانان اشخاص
ورم علت مدہشہ سندہ پک قولای دوچار اولور .

شو مطالعاتدن آ کلاشیلیور کہ مسکرات عضویتک ، بدنک
مقاومت عمومیہ سنی ضعیفتیور ؛ عصبی ، عضلی ہر نوع آفات وامراضہ
وجودی مستعد قلیور . بوسیدن حیاتنک قیمتنی تقدیر ایدن بر انسان
ہیچ بر نوع مسکرات قوللاناملیدر . بعض ذوات (ببرا) پی خفیف
مسکراتدن عد ایدرک وجودی سمیزلتمک خاصہ سندہ مالک اولدیغنی
ادعا ایلہ ببرا استعمالنی ہر کسہ توصیه ایلرلر . بومثللو ذواتہ ببرا
قوللانان کیمسہ لک اک نہایت بوبرکلی خراب اولدیغنی بیکلرجہ
مثال واستاتستقلرلہ مثبت اولدیغنی بیان ایلرلر . حاصل کلام ترکیبندہ
ذره قدر اسپرتو اولان کافہ مشروباتک وجودہ مضر اولدیغنی ایکی
کرہ ایکی درت ایدرجہ سندہ فنا اثبات اولمشدر .

— (مسکراتک منعی حقندہ تدابیر) —

نوع بشری مسکراتک ضربہ ہولنا کندن قورتارمق ایچون
لازم کلن تدابیرہ مراجعت ایٹک بالجلہ حکومتلرک عہدہ لرینہ ترتب
ایدن اک بیوک بر وظیفہ در . تبعہ لرینسک رفاه و سعادتنی و حوضہ
حکومتلرندہ کی ممالکک تکثیر نفوسنی ارزو ایدن حکومت متمدنہ نک
اک جدی ، اک مهم تدابیرہ مراجعت ایتلری و بوبادہ پک بیوک
فدا کارلقلر اجر اسندن چکناملری انسانیت و مدنیت نامنہ تمنی اولنور .
فرانسدہ اسپرتو صرفیاتی تنقیص ایدرک داء الکٹولک توسع
وانتشارینہ مانع اولمق ایچون پک چوق تدابیردوشونیلمش ، بوتدابیرک
کافہ سی عریض و عمیق تدقیق و تنقید ایدیلہرک نتیجہ سندہ اکثریتلہ
کٹولک قطعاً منع استعمالی اسبابی استکمال اولنورسہ بر درجہ یہ قدر
محسناتی کوریلہ جکی فکری قبول ایدلشدر .

فقط فرانسدہ کٹولک منعی اسباب آتیہ دن طولای ممکن
اولہ مامشدر : برنجیسی فرانسدہ حکومتی بودجہ سندہ اسپرتو رسومی
وارداتک قسم اعظمی تشکیل ایدیور . ایکنجیسی شراب و الماشرابی
اعمال ایدنلرلہ بیراچیلرک و بومسکراتی صاتانلرک فرانسدہ اہالیسنک
اکثریتنی تشکیل ایتکدہ بولنسیدر . بناء علیہ اہالی یہ نصایح مؤثرہ
اجرا ایدرک اسپرتونک مضر اولدیغنی قناعت کتیر تمکدن بشقہ برچارہ
قلمامشدر . بوندن آ کلاشیلیور کہ فرانسدہ مسکراتک تأثیرات وخیمہ
سندن خلاص ایچون پک چوق زمان مشکلاتدن قورتیلہ میہ جقدر .
انجق نتیجہ قطعہ بیان ایتدیکمز وجہ ایلہ مسکراتک کلیاً منع اولنسہ
متوقفدر .

بعض ارباب وقوفک توصیه ایتدکلی وجہلہ اسپرتو تصفیہ
اولنہرق اصلاح اولندقدن صکرہ موقع استعمالہ وضع اولمق فکری
پک یا کاشدر . زیرا داء الکٹول علت مدہشہ سندہ باعث اولان اسپرتونک
جنسی اولیوب مقداریدر .

اشبو تصفیہ اصولی اسویچرہ و روسیہ مدہ موقع تطبیقہ قونیلمش
ایسہ علت مذکورہ ہیچ بروجہلہ تناقص ایتامشدر .
آمریقادہ بعض حکومتلر اسپرتو استعمالنی قطعاً منع ایتشارسہ مدہ

مختلفه (ماده وقوت) ك انتقال و تحولدن بشقه برشی دكدر . بو انتقال و تحول ، اساساً عالم غیر عضوینك و محیط خارجینك حادثاتی تشکیل ایدن تحولاتك عیندر . اوندن بر فرق وار ایسه اوده بر نظام معین اوزره تسلسل ایدن و يك ظاهری اوله رق نمایان اولان بر مقصد و غایه به متوجه و مبتنی اولسیدر . بوغایه ، هر زمان تکرار ایتدیکمز وجهله شخصك محافظه سی ، نوعك بقاسیدر . غایت finalité ، علائم حیاتیة نسبیة نك اوصاف اساسیه و ممیزه سیدر . والحاصل علائم مذکورہ مضماً ماده وقوتك خواصیه غیر قابل تألیف واکا غیر قابل ارجاع و بستون مادیتدن عاری بر (ذات مدرک être conscients) صفتی اکتسا ایدر .

ادراك ، قوتك حس و تقدیریدر . قوت بذاته اكلایشله مز . اونك بر خاصه سی واردر که انجق او خاصه سیله ادراك ایدیلور . اوده (شدت intensité) در . حرارت ، ضیا ، الکتریقیات انجق درجه شدتلیله اکلایشیلور .

ماده به کلنجه : قوتك جوهر استنادکاهی اولوب عاقل برشی در . (تحیز étendue) و (کتله messe) در عبارت ایکی خاصه سی واردر . ماده ایشته انجق بو خاصه لریله ادراك ایدیلور . ادراكك coascience خاصه سیده غایت در . بناءً علیه بو صورتله ساحة مادیت و جمادیتدن چیقار .

مشاهدات فیه کوستریور که اجسام ذوی الحیات بروجه آتی اوصاف اساسیه مالکدرلر :

- (١) بر ویامتعدد حیراتدن مشکل بوجود پروتوپلاسماییه اولوب خصوصی بر اعضو و تکامله مالک و نهایی تناسله منجر در .
- (٢) حادثات حیاتیة تغدی ونسبی .

شیمدی به قدر سرد ایتدیکمز مطالعاتدن شو نتیجه چیقور که اعضو و تکامل و حتی علائم حیاتیة ، عالم غیر عضوینك وقوعات و حادثاتدن انجق شخصك محافظه سی ، نوعك بقاسندن عبارت بر مقصد و غایه به منعطف اولسیله تفریق و تمیز اولنور .

غایت وجودیه و فیسسیولوژیة موجودات ذوی الحیاتك علامت ممیزه سیدر .

فرضیات و تحقیقات تجربیه

ایشته حیات و ذوی الحیاتی تماماً مشاهده و مطالعه ایتدک . مادیت و معنویتنی بتون صفحاتیه کوزدن کچیردک . موضوع بحثمز اولان مسئله حیاتك اسبابنك نه اولدینی ایدی . شیمدی اسباب حیات نه در؟ دیه جکمز ذوی الحیاتده موجود غایت وجودیه و فیسسیولوژیة نك سبی نه در؟ دیه بیلیرز . بو سؤالی حل ایتک ایچون کلمات و تعیرات مناسبه ایله و قیاس و تشبیه ایله بر فرضیه یا به جفز و صکره بو فرضیه بی محک تجربه به اورده جفز . سؤالمزه جواب ویره جک فرضیه لری سرد ایتدک اول ، اصول تجربیه قواعدینی تحظر ایتک لازمدر . زیرا ارباب علوم و فنون انجق بو قواعدك یاردیمیه ائردن مؤثره انتقال

بوابده کی تدایر جدی و حسن صورتله تطبیق ایدیه مدیکندن فائده بخش اوله مامشدر .

مشروبات کتولیه نك قطعاً منعی ممکن اوله مزسه میخانه لرك عددلرینك تنقیصی فائده لیدر .

۱۸۳۰ تاریخنده فرانسه ده (۲۸۰۰۰۰) عدد میخانه موجود ایدی . ۱۸۸۰ ده (۳۵۶۰۰۰) بوکون ایسه عموم فرانسه ده (درت یوز اوتوز بیک) میخانه موجوددر . یعنی ۸۲ نفوسه بر میخانه اصابت ایدیور !! فرانسه نك شمال ولایتلرنده ایسه (۵۰) نفوسه بر میخانه دوشور !! فلمنك ده حکومت میخانه لرك عددینی یاری به تنزیل ایتدیردیکی حالده مسکرات صرفیاتی يك آز تناقص ایتشددر . بونکله برابر بر ملک کتده آدم باشنه جاده لرده بر میخانه بولنسی منع ایدیلیرسه فائده سی کوریه جکی شبهه سزدر . چونکه اهالی او حالده سهولتله میخانه بوله مز انک ایچون شهر لرده هر کوشه باشنه میخانه لر آچیلنسنه ، بقال ، عطار کبی اصنافك قونیاق ، امثالی مسکرات صائمسنه ممانعت ایدیلیرسه يك چوق فائده لر تأمین ایدر .

دوقور آر نولد آتیده کی تدایری ده علاوه ایدیور :

« اهالینك عددینه کوره میخانه لرك مقدارینی تحدید ایتک میخانه جیلرك رخصتیه رسومنی تزید ، ویره سی به مسکرات صائیلنسی چوجقلره ، اثبات رشد ایتامش کنجلره ، بکریلره مسکرات اعطاسنی میخانه لردن منع ایتک ، صائیش ساعتلرینی تحدید ایتک الزمدر .

یوقاروده سویلدیکمز کی غزته لر ، رساله لر واسطه سیله اهالی به نصایح مؤثره اجرا سنده دوام ایدالی . جای قهوه نك انک نفیسنی طبخ ایتک اوزره خصوصی جای خانه لر آچلی حاصل کلام جمعیات صحیه و خیریه واسطه سیله خلقه حفظ الصحتدن باحث اوجوز رساله لر ، غزته لر نشر اولنلی مسکراتك مضرتنی سرخوشلرك عاقبت دوچار اولدقلری منظره کریمه و خسته قلرك رسملرینی ارئه ایدرك اخطارات مؤثره اعطاسندن بر مدت صکره فائده کوریه جکی آشکاردر . سابق اطفال خسته خانه سی سرطیبی

بکربکلی ابراهیم

فلسفه حیاتیة دن :

— ۷ —

افعال ارادیه

افعال ارادیه ، افعال سوق طبیعیه نك متممی در . سوق طبیعینك غایه سی اولان شخصك دوام و نسلاک بقاسنه افعال ارادیه ده اشتراک ایدر . مقصدندن انحراف ایتش میلانی ، متجاوزانه ظهور ایدن بعض افعالی تعدیل ایتک قدرتی حائزدر . آثار علمیه ، نفیسه و صنایعیه نك جمله سی افعال ارادیه دن ظهور ایدر . انطباعات و تعاملاتدن (عکس العمل) مرکب اولوب علائم حیاتیة نسبیة نی تشکیل ایدن افعال